

DEUS TI SALVET MARIA

Tradizionale

DEUS TI SALVET MARIA
CHI SES DE GRAZIA PRENA

DE GRAZIAS SES SA VENA
E SA CURRENTE

SU DEUS ONNIPOTENTE
CUN TEGUS ESTI STADU

PRO CHI T'HA PRESERVAU
IMMACULADA

BENEDITTA E LAUDADA
SUPRA TOTTUS GLORIOSA

SES MAMMA FIZZA E SPOSA
DE SU SEGNORE

BENEDITTU SU FIORE
CH'EST FRUTTU DE SU SINU

GESUS FIORE DIVINU
SEGNORE NOSTRU

PREGADE A FIZZU OSTRU
PRO NOIS SOS PECCADORES

CHI TOTTUS SOS ERRORES
NOS PERDONET

E SA GRAZIA NOS DONET
IN SA VIDA E IN SA MORTE

E SA DICCIOSA SORTE
IN PARADISu